

HCFD PRAYER AND COUNSELLING

Ningani zan tin 9 PM anthokin neih hlak a nih a, **Zoom** platform hmangin, voisun ni chen mi tamtakin Pathien sukdamna an chang tah a, m tuel khawma join thei a nih a, chuleiin mani umhmun a khawm tawngtaina ah thrang ve dingin eiin fiel a nih. Hi lekha sut lai chen a report ei pek thei chu:

Damnaw popo damna changtah: 182

Inah damnaw a la um: 5

Damnaw tawngtaipui Delhi puotieng: 1

Hospital ah: 3

an kalchawina le inzoma harsatna an tuokhai le Pathienin mak tak taka a thruoi danhai an testimony hai voisun chen hin Kohranhai ta dinga mal-sawmna an la ni zing. An family ta dingin trongtrai zing ei tiu, an nia inthok mi tamtakin Krista chu Lal a ni ti an hung ringna dingin.

Ei hriet sengta angin, U.P a ei rongbawlina hi nasatakin Lalpan mal a sawma, Sikhohabad area a chau khom hin ringthar mi 200 chuong an um a record an ni taa, sienkhom inkhomna ding hmun le hmang an nei naw leiin hmun khata Pathien chawibiek khom thei loin an uma, Kohran (HCFD) member haiin Pathien kuoma trongtraina le thei tawp suo a thrang ei lakna Lalpan mal a mi sawma, tu kum 2021 kum bul (February) khan an inkhawmna ding U.P mission centre Sikhohabad a Kohranhai fetlengin Lalpan hmun a mi pek a lawm a um tak zet a, tu hin ringtharhai inkhomna ding biekin bawl dingin ei insingsa mek a, U.P hmuna ei rongbawlina hma ei sawn peina ding le ringthar an hung um peina dinga ei trongtraina baka, an inkhawmna ding biekin ei bawl vat theina ding khomin theitawp suoin trongtraina le thrangtlang ei tiu. Hripui leiin taksa damna ding le damsawtna dingin inkhar khip trul hle sienkhom, ei thlarau damna ding le mi danghai thlarau damna dingin chanchinthra hril hi ei chawl thei naw a ni ti hre zingin, kohranhai theitawp tak meu suoin chanchinthra hrilin kal hang pen nawk sau sau ei tiu leh.



HREPUITU

EDITORIAL

HCFD 2021-2023 VENGBUK THUOITU LIST

HMANGAINA MAK

Pi BK Rose

SUOL NEI ZINGA SUOL THAW ZING TALO

Samuel L Songate

ṬAWNGṬĀINA THILTHAWTHEI:

Pi Lalremsiem

HRIL SIETA I UM LEIIN LAWM RAWH

John L Pulamte

U.P. MISSION REPORT

Pastor Lalsiesang Zote

2021 Thupui: "KRISTA A BEISEINA HRING" 1 PETER 1:3

Hrepuitu

Hmar Christian Fellowship
Delhi
Chanchinbu Thlakip Suok
(Regd No:S/ND/599/2015)

Vol. 16 No. 5
May - June 2021

Editor:

Pastor Steven Zarzoliem
Infimate

Jt. Editor:

Pu Darsuothang Khawbung
Pu Vanlalhang Inbuon

Editorial member:

Upa (Dr) Lalsiemlien
Pulamte
Dr L. Robert Varte

Printing:/Circulation:

Pu Robert Penatu

Contributing editors:

Pastor Lalditsak Inbuon
Pastor Lalsiesang Joute

Address:

Editor, **Hrepuitu**,
No. 52, 4th Floor, Munirka,
Delhi 110067
Tel: +918376870354
email: hrepuitu@yahoo.
com

***Hrepuitu a article insuo hai,
ngaidân suklanga um(hai)
hi HCF Delhi ngaidan a(n)ni
chuong kher nawh. Ziektu
tin mawphurna a ni lem.
Pathien thu le artikul insuo
nuom hai chun iengtiklai
khawma editor hai email
ah thuziek hai chu pek thei
zing a ni - Editor***

Editorial:

Bible a hin sipai huoisen le hmingthang tak tak hmu ding tam takel an uma, chuonghai laia pakhat chu Naaman hih anih. 2 Lalhai 5:1-19 sung kha ei tiem chun a chanchin ngainuom um takel an ziek a. Naaman hmangin Aramhai chu Lalpan hnena an changtir hlak leiin a pu mita chu mi ropui tak le ngaisangum tak ani a, amiruokchu phar anih. Naaman hin Israel rama inthokin nuhmeite pakhat hih salah a hung hawn a, a pu inpharna a hmu chun poi ati pui emem a, Samari rama zawlnei pakhatin a sukdam thei ti a hrieta, a hrilhmu ta a. Chu zawlnei chu Elisa anih.

Naaman chun Elisa sukdamna beiseiin Israel rama chun a fe, a in kota a chawl lai chun Elisa chun, "Jordan vadungah voi sari inphum la, I vunhai chu hung pangngai nawk ata, hung dam inthieng el I tih" ti hril dingin mi a tira. Thil awlsamtak nisienlakhawm a beiseidan ang ani tanaw leiin lungsen takin a kir nawk a. "Damaska rama vadung, Abana le Pharpar hai khawm Jordan vadung nek chun an inthieng lem an naw mani? Chuong vadunga hai chun insilin kan sukthienghlim thei naw am a ni" (2 Lal. 5:12) tiin a fe taua. Ata ding chun a awlsam taluoa, thil khir tak tak thaw thrang ani leiin khir traka dam a tum nisien a hoi khawpel. A siehlawin thaw ding lem awma a hmu leiin a tawpa chu voi sari a van phuma, damna a chang anih. Naaman chanchin a inthawk hin inchuk ding tamtakel hmu thei anih. Mani in enna dinga darthlalang thra emem pakhat ani ve thei. Thlaraua inpharna, mihriet loa inrumpui ei nei am? lengtinam damna eizong hlak aw..? Tum dan kher kher ei nei chun Naaman ang hin ei buoi ve pal el dim, Pathienin a mi biek dandinga ei inchanha hai hi ei inchan threl el a man ta ding, annawleh speaker/counselor haia inthawk kher kher dam ei ti el dim. Damaska rama vadung hai kha Jordan vadung nek chun alo inthieng lem el rawi mawh!, amiruokchu Pathienin zawlnei hmanga a tirna chu Jordan vadung anih. Lalpa ditdan zawngsuok le thawpei hih a poimaw takzet anih. **Mani insunga Bible study neia Lalpa ke bula thluk lut** hih Lalpa ditdan alo ni chun, chu neka awlsam lem chu iem um thei chuong tang ata?

ri (7) haiin Lalpa Isu an hung ring dan hi mak ve deu el a nih, an unaunu Mrs. Koshaliya le a pasal Mr. Ramai chu Delhi a ei rongbawlinaa inthok hin Pathien thu an hung hrieta, Lalpa Isu chu Lal le Sandamtu a pawmin kum 2019 khan Shivvihar a biekinah baptisma pek an nih.

Mr & Mrs Ramai hai chun an unau danghai thlarau invoiin an thei ang angin Pathien thu an hril hlak a, Pathien remruot ruotin an thei ang anga Pathien thu an lo hril hlak, an unaupa Mr. Suraj khom Delhi a sinthaw dingin a hunga, Kum 2020 lockdown tawm trep khan rongbawltuhaiin an inah va panin Pathien thu voitam tak va hrilin, Pathien thua ti tipui a ni nghe nghe. A rongbawltu haiin mawltaka chanchinthra an hril chu Lalpan mal a sawma, baptisma zuk lak el khom a nuom thu a hril nghe nghe. Kum 2020 Covid leia ram pumpui sorkarin lockdown a hung puong khan, sin thawna le inzomin harsatna dang dang leiin an khuo Manjhila, Basti District, U.P tieng kir dingin an insiem taa, baptisma a chang naw chau ni loin, voikhat khom biekin Pathien chawibiek inkhom thrang hman ta loin U.P tieng an fe taa, sienkhom Pathien Thlarau Thienghlimin a hringnuna sin a thaw ta chu ni ngei ding a na, Zoom hmanga tuk tina devotion le trongtra inkhom le, Pathienni a chawibiek inkhom chu regular takin a hung thrang zom ta pei a, ama chau ni loin a nu le pahai an sungkuoin regular takin an hung thrang hlak. An hringnuna Pathien Thlarau Thienghlim sin thaw chu an trongbau le an hmela hmu theiin an lang chau ni loin ni kum 2020 lockdown sung Zoom hmanga inkhom sung chu an sungkuo mimal tin testimony chu kohranhai ta dinga malsawmna a ni baka, kohranhai sukhlimtu le sukhrattu tak an nih.

Pathien Thlarau Thienghlim hi chin lêm (unlimited) nei loin, mihriem ngairuotna khel deia sin a thaw hlak a ni zie chiengtakin hmu thei a nih. Pathien lunginsietna zarin kum thar ei hang lut khan baptisma an chang nuom thu le, ei ni kut ngeia an chang nuom thu voitamtak an hung inthluna, sienkhom hripui leia harsatna leiin nuom angin eini tieng ei inzo el thei naw leiin, an baptisma chang dan ding ngaituopuiin, an umna lai rongbawltu an um le umnaw inzongtirin, vangnei tlak takin an umnaa inthoka Km 40 vela hla Kohran (Believer Church) a um thu hriet a na, an Pastor Pramod chu inbiekpuiin April ni 2 khan mi 7 (pasari) in eini hrietpuina ngeiin baptisma an chang a, voisun chen hin harsatna le hnawchepna kara ringna det taka ngir in Zoom hmanga zingkar inkhom le Pathienni chawibiek inkhom hi ringumtakin an hung thrang zinga, ringnaa

thaw leiin khawmuol hre loin hnuaia an tlua, sienkhom Pathien thu an hang hril chun mak takin an hung tho dok pei el a nih. darkar 3 (3 hrs) vel Pathien thu an hril hnung chun, anni laia mi sawm chun Evan Pramod le a ruolhai chu an ina hai thruoiin an mi lim pathienhai kei thlain sai-ipa an thuna an peihawn a, vantlang hrietin Lalpa Isu chu Lal le sandamtuah an pom thu an puong bok. Hun remchang hmasataka baptisma chang an nuom thu an hril bok, Pathien thu an hril zo chun khawsunga Bible tract an sem bok, Bible tract tiemhai hin chanchinthra (Isu chanchin) chu kan hriet sa nuom tiin, chanchinthra mi hung hril ro tia kona an dong thu Evan Pramod a inthokin ei dong.

Tirko Paula'n "Chanchinthra lei chun rinum ka tuor a, tuolthattu ang ela khaidieta khit ka ni hi, sienkhom Pathien thu (chanchinthra) ruok chu khuop ruol an nawh" 2 Tim 2:9 a ti angin, Hripuiin kohranhai le rongbawltuhai mi kharkhipin, ni danga ei thaw dan angin zalen takin biek inah Pathien chawibiek thei naw inla khom, chanchinthra ruok chu kharkhip thei a ni nawh. Ni kum 2020 Lockdown sung le tu kum 2021 lockdown sung khom hin, Pathienin mihriem varna a pek hmanga an siem suok "Zoom" fe tlengin, ei rongbawlana inthoka baptisma ei pek; Gujarat, U.P le Delhi a ringtharhai chu tuktin devotion le zing trongtrai neipui an ni baka, Pathienni (Sunday) chawibiek inkhawm le Nilai zan (Wednesday night) zat in testimony sharing voisun chen hin ei la neipui thei zinga lawm a um hle, hieng lai zing hin ringtharhai hin an sung-le-kuohai baka an ruolhai hung join dingin an inhril tawla, tulai khom hin ZOOM hmanga Pathien chawibiekna le zing trongtai hi ringtu la ni lo sungkuo pahniin an mi hung zom bok. Chuonghai chu ei trongtraipui chau ni loin, a thei ang angin zoom le mobile phone hmangin Pathien thu hril le counselling neipui an nih a, chun, hieng family baka hin mimal le sungkuo mobile le a trul dan dana Pathien thu ei hril mi 46 Delhi mission field an um bok. Chun U.P mission field tieng khom chanchinthra hril lai zing khuo 3 an um boka hienghaia inthok hin baptisma chang dinga inpei mi 23 vel an um thu an hung hril. Nuom angin suok dok thei loin, biek inkhom nei thei naw in la khom zoom hmanga rongbawlana hi ni kum 2020 lockdowna inthokin tran an tah a, Pathienin mal a sawma, tukum April thla sung khan mi 16 (sawmparuk) in baptisma an chang, Delhi Mission field Shiv Vihar biekinah tarik ni 11-04-2021 in mi pakuo (9) Baptisma pek an nih. Chun Zoom hmanga ei rongbawlana le inzomin Tarik ni 02-April-2021 in Grambel khuo, Basti Dist, U.P a inthokin mi 7 Baptisma pek an ni bok. Hi ringthar mi pasa-

HCED 2021-2023 VENGBUK THUOITU LIST

2021-23 MESHANGARH

Chairman: Pu Joseph Lalramlien Joute
 Vice- Chairman: Pu Joshua Sungte
 Secretary: Pu James Pusing Sanate
 Asstt. Secretary: Pu Lalremruot Nungate
 Fin. Secretary: Pu Lalthuoisuok Pudaite
 Treasurer: Pi Lalsiemtling Penatu

2021-23 SAFDARJUNG

Chairman: Pu Stephen Lungtau
 Vice-Chairman: Nk Christina
 Secretary: Tv. Paozaman
 Asstt. Secretary: Tv. Philip Infimate
 Finance/Treasurer: Pi Lily Ngurlienmawi

2021-23 MAHIPALPUR

Chairman: Pu Immanuel Rochunghnung
 Secretary: Pu Lalramhuol Hrangchal
 Asstt. Secretary: Nk. Naomi Khawbung
 Finance/Treasurer: Nk. Carolyn Khawbung

2021-23 SOUTH EXTENSION

Chairman: Japhet Puruolte

Secretary: John Parate

Fin. Secretary: Ramtharmawi

2021-23 MUNIRKA

Chairman: Pu Rohminglien Songate

Vice Chair: Tv. Fimruolsung Infimate

Secretary: Tv. Ezekiel Keivom

Asst Secretary: Tv. Lalneihlim Inbuon

Finance Secretary: Nk Florence Songate

Treasurer: Nk. Emmanuel R Zote

Members:

1. Tv Roland Zote

2. Pu John David Songate

3. Pu Lalneichung Riengsete

4. Nk. Rosiemkim Riengsete

5. Nk. Rebek Sungte

2021-23 GURUGRAM

Chairman: Pu Samuel Z. Khawbung

Secretary: Nk. Dardingpui Infimate

Treasurer: Nk. Lalhmingmawi Songate

a trul a nih” ti hi a nih. Mawl ang rengin inlang sienkhom thu dik a nizie chu thling lo taka ei rongbawl na hin a suk chiengin ka hriet. Mission field a ringthar pungna ding chau ni loin, kohran a hratna ding le a pungna ding chun berampuhai nekin beram haiin te (nau) ei nei hrat a pawimaw, hi hin rongbawltuhai an pawimaw nawh ei tina ni loin, kohran hrat ding le pung dinga pawimaw a hril na a nih. Isu Krista thruoihruihai khomin an lo thaw ve a, Johan thu hril hrea Isu zuitu pahnhai laia pakhat chu Simon Peter unaupa Andri a nih. Ama chun ahmasa takin a unaupa Simon a zong suok a, “Mesia (chu chu Krista tina a nih) kan hmu tah” tiin a hril a. Simon chu Isu kuomah a hung thruoia (Johan 1:40-42.) Hieng ang hin ei mission field a ringtharhai khom Lalpa Isu chu Lal le sandamtua an hung pawma baptistma an hung chang hin, a thlangpuiin an sung-le-kuohai thlarau invoina Lalpan a pek tawla, an thei ang angin an sung-le-kuohai chu chanchinthra an hril hlaka, anni laia chanchinthra hre chieng nuomhai chun rongbawltuhai hung contact in chanchinthra mi hung hril ro tiin an ko hlak.

Hieng ang kona an dong leiin, Evan Pramodin ringthar mi 5 (panga) thruoiin Tarik ni 6 June 2021 khan Sikhohabad a inthoka KM 150 vela hla Manjhila khuo, Kanoj District U.P ah chanchinthra va hril a nih. Ei hril ta angin hi laia Manhila Village a chanchinthra hril dinga rongbawltuhai ko luttu chu ringthar Mrs. Reena a nih. Mrs. Reena hi Manjhila khuoa seilien, Sikhohabad a pasal hung nei a nih, Pathien remruotna ni ngei a ta, Mrs. Reena le a pasal sunghai chun Evan Pramoda inthokin Pathien thu hung hrein, Lalpa Isu chu Lal le Sandamtu’n an hung pawma, an sungin baptisma an chang cho ni loin, nasatakin mi dang invoina an hung neia, an ni sungkuo lei hin Manshana village Mainpuri District, (U.P) a khom chanchinthra hril a ni chau ni loin ringthar tamtak an um ta bok. Mrs, Reena chu a nu le pahai chengna Manjhila a fe zatin a nu le pahai baka an sungkuo hnaihai chu Pathien thu a hril hlaka, chu chu hre chieng nuomin, Evan Pramod chu ama ngei an khuoa fea Pathien thu hril dingin, tukum kum bula inthok khan voitamtak an ko a. A ram hi a hla deu baka, tulai hripui inleng lai a ni leiin fe loa mobile phone a inbiekpuia inzo el tum a ni a, sienkhom nangni ngei hungin, mi hung hril ro an hung ti nawk hlak leiin, hripui inleng lai khom nisien Pathien remruot a lo ni chun ei thaw suol awm em tiin, voi tamtak trongtraina nei a ni hnungin tarik ni 6, June 2021 khan ringthar mi 5 thruoiin Evan Pramod chu Pathien thu hril dingin Manjhila khuo, Basti District U.P chu an pan ta a nih. Report an hung pek danin Pathien thu hi khawlaia dunga an hril a, a ngaithlatu laia threnkhat chu thlarau suol sin

U.P. MISSION REPORT

Pastor Lalsiesang Zote

Johan thu hril hrea Isu zuitu pahnihai laia pakhat chu Simon Peter unaupa Andri a nih, ama chun a hmasatakin a unaupa Simon a zong suok a, “Mesia (chu chu Krista tina a nih) kan hmu tah” tiin a hril a. Simon chu Isu kuomah a hung thruoia.....Johan 1:40-42.

Pathien lunginsietna zar chauin kum thar 2021 Lalpan a min chuongkai tira, rongbawlina tieng theitawp sua thrang lak dinga ei in-singsat lai zingin, ringnawna tieng deiin, Covid hripuiin a mi hung chîm a, nitin a ei fak le dawn zongna chau ni loin, Pathien rama ei rongbawlina khom nasatakin a mi nghawnga, ram pumpui ei inkhar khip chau ni loin,rongbawltuhai khom zalen taka suok thei an naw leiin a tam thei ang taka ina uma, Pathien thu tiem le trongtrain hun hmang a nih. Hripui leiin biekina Pathien chawibiek tak ngiel khom nei thei loin ei um a, chuonglai zing chun ei rongbawlpui ditum tak tak threnkhatin an mi lo chawl san bok, mihriem ram taka chu lungzing a um hle. Hienglai zing hin tirko Paula’n 2 Tim 2:9 a lo hril angin, rongbawltuhai hi harsatna le rinumna’n mi chim hlak sienkhom, Pathien thu (chanchinthra) ruok chu khuop ruol an nawh ti ei hmu angin, chanchinthra chun hmu theiin ram a lak zing.

Pathien lunginsietna le Kohran mipui thrahnemngaina le trongtraina leiin Pathien rama ei sinthawna Lalpan mal a mi sawma, tu kum 2021, voisun chen Lalpa Isu Krista chu Lal le sandamtua pawm baptisma chang ringthar a mi (16) sawm le paruk an um an ta, tu hin a remchang hmasataka baptist ding mi iemanizat an um bok, Lalpa chu inpakin um raw se! Hienghai baka hin Makedonia kona rawl anga, keini khom chanchinthra mi hung hril ro tia kona rawl hi hriet ding a um zing. Pathien lunginsietna zar chaua ei rongbawlina field a ringtharhai le mission field tharhai hi ringtharhai hmanga Lalpa mi pek an ni deu vong.

Ramthim rongbawlinaa ringthar an pung dan ding le kohran a hrat dan ding ti thupui hmanga missionary conference ka thrangnaa mi pakhatin fiemthu-ti-taka a hril, mawl deu ka lungmila cham zing ka theinghil thei lo chu “kohran (ringthar) a pung ding chun Beramhai an in-te (nau nei) hrat

2021-23 WEST DELHI

Chairman: Pu Pumzalal Pulamte
Vice Chairman: Pu Stephan Khawbung
Secretary: Pu Nehemia D Ruolngul
Asst Secretary: Pu Cliff Hekte
Fin Secretary: Pu DJ Varte
Treasurer: Nk. Ruth Pulamte

2021-23 NORTH DELHI

Chairman: Tv Luke Hranngul
Secretary: Tv Jerry Buongpui
Fin Secretary: Nk Vivienne Sielhnam
Treasurer: Tv Joshua Shunate

2021-23 DWARKA

Chairman: Pu Albert K Sinate
Secretary: DF Dinpui Faiheng
Finance Secretary: Tv Samuel Khawbung
Treasurer: Pi Rengpui Sinate

2021-23 RK PURAM

Chairman: Pu Vanlalthang Inbuon
Secretary: Pu Lalhmingthang Songate
Treasurer: Pi Lalneihnem Varte

2021-23 VASANT VIHAR

Chairman: Pu Darsuothang Khawbung
Secretary: Pu Lalchunghnung Infimate
Treasurer: Nk. Elizabeth Varte

2021-23 MASOODPUR/VASANT KUNJ

Chairman: Tv. St Paul
Vice Chairman: Pi Ringzuol
Secretary: Pi Mary Jone Ruolngul
Asst Secretary: Pi Zolienmawi
Treasurer: Pi Thrapui
Thralai Field Incharge: Nk. Rose Reingsete

Chun thil chu ei thiem tak tak phât nêkin, thiem naw êm êma tlûk le tlâk fâwma ei inchûk lâi huna khan inpâk ei hlaw lem. Tû thîk khawp khawm ei nî hma chun inpâk ei hlaw rawp hlak. Ei hei thiem tak tak zet chu mi'n an mi thîk tạn ta nghâl a, inpâkna rî a re diek el ta hlak. Kei khawm sipel indik lo neng nunga lekha ziek ka'n chûk tạn lâi khan inpâk ka hlaw ve nuol a, tiem tlâk deua ka hung ziek thei tâk hnunga ruok chu inpâk rî a re tiel tiel. Tû pa tî dânin am a nih, ka thiem deu deua mi sawisêltu le mi ertu an tam deu deu. Pathien zâr chauin keia hin fâk ding a râ tạn met met tạn tâk leiin mîhaiin an mi tâwng tạn khawm ni ta ve'ng a tih. Ka theida naw a, ka lawm lem a nih Lalpa zârin. Mi ertu le mi thîk êm êmtuhai ta dingin ka tawngtâi zing lem a nih.

Mihriemin an mi'n pâk naw khawmin, Pathien chun a mi'n pâk tthul chuong naw a, mihriemin an mi'n pâk lâi khawmin Pathien chun a mi'n pâk naw el thei bawk. Inpâk hi lawm taluo naw'm ei nîu, inpâk lawmtu chun dem khawm a theida nuom vieu. Inpâk le hming tthat beiseiin thil tthai hi thaw bawk naw'ng ei tîu. Beisei neia thil tthai thawtu chun a lawmman ding chu hnuoia hin a sîk zo tah. Vânah lawmman nei naw nih.

Mîhaiin khêlin indik lo taka mi hêkin an mi hril siet a ni khawmin thung rul tum naw'm ei nîu a, lungngai bawk naw'm ei nîu, Vâna ei lawmman suktamtu ding an la ni si a.

"Mi'n keima leia an hal chêu le, an suknawmna chêu a, khêla suol tînrêngin an hêk pha chêu, in la hamtthai ding a nih." (Mat-thai 5:11)

Lalpa'n a thu tlâwm te ei suklanghai chu tthil le tthai a tî ang takin mal mi sawmpêk raw se.

HRIL SIETA I UM LEIIN LAWM RAWH

John L Pulamte

Inpâk hi mi tinin ei lawm a, inhril siet ruok chu ei theida hle thung. Hi hi kawnga hin a nih puitling le nâupang ei inangna tak chu.

Inpâk nazawng hi lawm vawng ding an' naw a, inkâwk nazawng khawm hi theida vawng ding a ni chuong bawk nawh. Ei Bible-in "Hmêlma fawpna hai chu ringhla a um a, ruol ̣ha kâwkna ruok chu ring a um a nih" a lo ti a, a ni khawp el; ruol ̣ha chun thu sie le thu ̣ha khawm iengkim an mi hril hlak. Ei fel nawna le ei bâksamna hai chu mi sukdik tumin an mi kâwk hlak. Sien-khawm theida thila lâk ding a ni ngai nawh. Hmangaitu chun an mi kâwk hlak hrim a nih. Mi ̣ha lo chun ei ̣hat nawna an hmu zing khawmin, an mit hai an mi'n siemsan el hlak. Ei nâuhai ei kâwk a, mi nâuhai chu kâwk si loa ei um hi ei va hmangai lem lei a ni naw a, ei nâuhai ei hmangai lem lei a nih. Chuong ang char chun ruol ̣ha le mi hmangaitu chun an mi kâwk hlak. Kei khawm ka ruolhai zu dâwn dâm hi tosan el lovin ka zilin ka kâwk rawp hlak. Sienkhawm ka hmangai lei a nih. Tosan ringawt el lang an siet tuok ding ka remti tîna ni'ng a tih.

Chuleiin mi'n pâk ringawttuhai hi mi ngaituotu an ni ngai naw a, ruol ̣haa siem ding an ni nawh. Chun mîhaiin hril siet ding le khing le khêngna ding ngawt an zawng che chun inngai se naw rawh, mîhai thîk khawp i ni tah tînaa ngai la, lawm lem rawh. Mihriemin ei phâk/tluk lo hai naw chu ei thîkin ei theida ngai nawh. I phâk insâng po leh ertu le khingtu i hau ting el ding a nih. Chû umzie chu, i ngîrhmun a'n sâng po leh hmêlmatu che i hau tîna a ni'l. Thei râ khawm a hmin ̣ha po leh kut a tuor râwn ting el. A sel fâk tlâk lo chu tû khawmin an mel sin pei nawh. Tâwngtu i hau po leh nanga khan fâk ding a râ râwn taa tîna a ni'l.

HMANGAINA MAK

Pi BK Rose

Vai tlangval pakhatin inhnu deuin nuhmei a nei a, nau pasal hmelt-hra le fel deu a nei a, an lawmpui thei em em a, chuonga hlimtaka an khawsak lai chun hrivawisie hrângin a nuhmei dittak hringna chu a suot pek el tah a. Chu tlangvalpa ta dinga khovela beiseina umsun chu a naupa hi a ni el ta a, ama hlak High School inchuk lai chau a la ni a. Nikhat chu a naupa school ah thak zo, a nu leh thlasik nisa lum awi malama newspaper a tiem lai chun, puotieng mipui kek ri a hrieta 'man ro man ro ama kha anih' ti in an kek tuor tuor a.

In-le-lo thratak an neia, sum-le-pai, tangka le rangkachak khom mawitawk an nei a, sinthaw inrim khom a trul naw a, nitina a sin ropui tak chu ah tartieng nau neisun schoola thak le thruoi ani tak. Mipui kek ri khawm chu ngaisak zawm lêm lo chun 'iemani buoina neu neu a um ani âwm de' tiin a news paper tiem chu pangngai takin a tiem zawm san a. Chuonga ah tiem laitak chun thil puokri dum el a hrieta, iem tia a hei dak vel chun, tlangval pakhat hung tlan in, 'Pu, ka hringna mi hum roh, mi man an tum anih' ata, ama khom tho vatin in sungah thruoi lutin room pakhatah kot a kal khuma, ama chu tuola a thrungna ngaia thrungin news paper a va tiem san nawk tah a. Chulaitak chun police hai hungin a tlangval thup kha an hung zawng ta a. Anni chun 'I inah hin tuolthattu pakhat a hung tlanlut anih an tia, I lo hmu am?' tiin an hung in dawn a. Ama chun 'tukhom an hung naw ie, a hung pal ani chun hung hril ka cheu, kir nawk ta ro' ti in a lo dona, chuphing chun police hai khom chu an kir nawk ta el a.

Police hai fe hnung chun insungah va lut in kot a va hong peka, tlangvalpa chu a bieka 'tlangval voizantieng kei leh bu ei fak ding anih ata' a ti zo chun kawt a kal khum nawka, a suoksan nawk ta a. Chuongang bawkin eini khom Pathien Naupa neisun krossah hem-detu nitin anon non a suklungngaitu eilo ni hlaka chu ei Lalpa chun chatuona rohluotu ni dingin ami thlanga. Misuol ei ni zing lai khom

unconditionala mi ngaidam in, a nau ditlai angin ami thlanga, chat-uona a ro hluopuitu ni dingin ami thlang a nih, Amen.

Zantieng chun fak ding thratak hai siemin, table thrataka fak ding hai a buotsai chun kot a va hong peka. Chu tlangval chu khop le tlaitaka bu fa ding in a fiel a. Nisienlakhawm, tlangval chun ah in neitupa in a fak hma chuh a fak ngam naw a. Ienglei amana ei ti chun a bufak dinga khan a thina ding tur a pawl a ringhla tlat lei anih. In neitupa chun tlangval thil pakhat in don ka che, 'Ka naupa chu nangin I that ngei an naw? I bau a'n thok ngei hriet ka nuom a nih a ti el ta a. Chu tlangval chun 'Aw pu, I naupa anih ti ka hriet naw annawm' tiin a don a. Chuphing chun chu in neipa chun a sum-le-pai siena an hmutira, tangka le rangkachak a sie hai khom an entir a. A in-le-lo iengkim chabi hai hung la in, 'ka iengkim ka ro hluotu ding ka naupa neisun I mi that pek ta a, ka naupa kha I sukhring nawk thei ding?' tiin an dona. Tlangval chun a thi tah a sukhring nawk thei ta naw ning' ata. Chuong ani si chun voisun hin ka naupa ai I aw a trula, ka naupa ding in ka ro hluotu dingin ka lak lut che a' a ti malam chun a tangkasum le rangkachak umna chabi le a ro iengkim chu tlangval kuta chun a pek el ta a. Chuphing leh chu tlangval chu a trap ta hawm hawm a, pu ka lo suk suol a nih mi ngaidam roh, I suok ding angin mi pom la, ka damsungin I rong bawl ka tih, I ditdan in um ka tih a hung ti suok ta hlol el a.

Voisuna hringa dama chângvêl a ei um thei khom hi ama zar cho ana, voisun hre dok thei di'n lungvar ei nei tam? Or Setan ngam-temnaah ei lan buol zing amanih. Nakie, voisun zinga I thi hun ding hre si loa, lungmuong taka Isu Krista samdamtu zong lovin ieng chen am Setan in a hlem ding che? Var tawak tak mihriem pakhat am I nih kalo ti che a, IN NGAI TUO ROH. Mathai 18:21-35,27:15-44 hei tiem ve sin reng reng tam.

Ta êm êm chun! Ka tih kei chun, chuonga Pathienin a ti a ni chun, lawm takin fe vat vat el awm tak. Lalpa'n a lunginsiet bêk bêk leiin an la keisuok dâm chuh, Lota chungah lungsen um tak ding ei nih. Pathien thu hril hril khawma ngai ẵa nuom lo, zâwm nuom lo hai ang charin ka zuk hmu chu tie!

Lalpa chun, Lota kuomah, "**I hringna dingin tlân suok rawh: i hnung-tieng nga naw la, phâizâwla hrim hrim hin châwl bawk naw rawh**" tiin Lalpa'n Lota kuomah a hril a, "**chuongnawchun bohman rawi i tih.**" a la ti ẵawk ẵawk. Chu khawm chu Lota chun a la hniel a nih. "**Tlaga chu tlân thei naw'ng ka tih,**" a la hei ti nawk. "**Thi pâwt pâwt rawh**" ti el nuomum a tih.

A nuhmei ruok chuh, an in le lo, an hausaknahai kha â'n pãm deu ni naw nî'm a la zuk nga kîr ẵawk ẵawk a. Lalpa a lungsen deu ni'ng a tih, "**Chikhawn**"-in a'n changtir dai a ni kha! ẵi a va um ngei!

"**Chun, LALPA chun Sodom le Gomora chung a chun vâna LALPA kuoma inthawak mei lekât ân sũrtir a.**" Gen 19:24. Chuongchun, Sodom le Gomora khuo chuh, mipui hai le ran hai, thing le thlai po po a rêngin a kâng chimit vawng ta a ni kha.

Không ang hun kha ei la hmasuon mek a nih. Pathien lungsenna hi khawvel hin ei tawng baw ẵan an' ta an' naw maw? Muong hun an' ta nawh.

ẵAWNGẵÂINA THILTHAWTHEI zie ei hriet seng a, ẵAWNGẵÂI fan fan ei t'a, Lalpa biek pawp ngêi tumin bei ei tũu. Pathien rawl le rawl nâw hre fie thei dingin, Pathien Thlarauin inthuum ei tũu. Ei buon hai hi tisa le thisen an ni si naw a!

Lalpa'n malsawm raw se che.

Lota khawm hi hi khawvel hausakna le hmûingîlna, a nau hai hlak an hmêl a ̣ha, khawvela thil um, ro sum le pâi hai po poa hin an nupa pâ'n an lungril an pêk zo ni tak ding a nih.

Tulai ei khawvel khawm hi ei zuk thîr thuok thuok chun, Sodom le Gomorra khuo hun lâi ang el kha ei lo ni ta a hawi. Lalpa Pathien thu inhnik a, ngaisak lawm lawm khawm ei um ta meu nawh. Duâmânâ'n ei sip zo. Ringumnâ'n hmun a chang ta nawh. Pawisa sum ngainatnâ'n ei sip zo. Khawvel inhawitirnâ'n ei lungril ei pêk zo deuthaw an' tah. Ei ̣thalaihai hlak, Pathien thu Bible tiem nêkin mobile phone a Game le chat, YouTube-a picture ̣ha lo inhnelpui mei meiin an lungril le ngâituona po po an sêng ta lem bawk a hawi vieu. ̣AWNG̣ÂI ding ei ti khawmin a tû tû khawm, ei pei bêk naw seng. A san chuh Pathien Thlarau thienghlim einiah a um naw leiin, ei ̣AWNG̣ÂI khawmin a hul huk a, ei nghawk el a hawi.

Tulai ei khawvel le a sênga mihriem um po po hai hih, Lalpa mita chu Sodom le Gomorra ang kha ei ni tah ka ring hiel hlak. Hripuiin a mi nawt vêl a, Lockdownin kum hni ei suo ding an' tah. Mi tam lem khawsakna a sukbuoi chau ni loin, a sukharsa. Naupang education tieng hril loa hmângin an tla sie. Chuong khawm chun, harsuokna châng ei hriet nawh.

Pathiena mi ̣hahnem ngai haiin, Pathien thu ̣ha tak tak hring tak tak, ngâithlâk ding le tiem dingin an hung suksuok ur ur a, chuong khawm chuh, ngaihluat a, Pathien Thlarau châk ngâwi ngâwi a tiem le ngaihla pei khawm ei tlawm deu deu a hawi. Chawlolna chikhat a chawlol ei ni ta a hawi bawk.

"Ama hlak chu a la muong hle si a; chuongchun, LALPAIN ama chu a lunginsiet leiin mihai chun a kuta le a nuhmei kuta le, a naunh-mehai pahni kuta chun an chel a, chuongchun, an ̣thuoi suok a, khawhnâwma chun an sie ta a." (Gen 19:16)

SUOL NEI ZINGA SUOL THAW ZING TALO

Samuel L Songate

Ei ram Kristien hai, a bîkin ringtu nitin kalchawina kawnga ei buoina lien tak pakhat ni a ka lo hmu ve chu suol chungchang thu hi a nih. ̣henkhatin piengthar ta chu suol nei ta lo, suol thaw thei talo dinga ngaina an nei lain ̣henkhat nawk thung chun piengthar hnung khawmin famkimlo taksa akhawvela um ei la ni leiin suol nei lo tawp le suol thaw ta lo tawp chu thil thei a la ninawh tiin suonlam in an hmang ve nawk thung a, suol a an tlûk chang khawmin mani inthiem fawmna in an hmang hlak. Hihi a san iem a na ei ti chun, suol chungchang a ei theology hi a khingbai lei niin an lang.

Hi lai thu hi Johan lekthawn pakhatna besana hmangin tawite in hieng ang hin hei hril mat tum ei tih.

1. Suol Nei Zing: 1 Johan 1:8-10 inkâr kha ei en chun, "Suol nei lo a eiin hril chun mani eiin hlêm a ni a, thutak ei niah a um nawh...Suol thaw loa eiin hril chun ama chu khêhlip ah ei siem a ni a, a thu khom ei nunah a um nawh" (DV) tiin Hmangai Johan chun a mi lo ziekpek a. Hi lekthawn hi Johan in a kohran enkawlhai, nau anga a en, ringna a la naupang tak takhai ta dinga a ziek a nih. Chuleiin piengthar, Pathien nau ni hnung khawmin suol nei ta lo tawp chu an um theinaw zie a hril chieng hle a nih. Chuleiin, ̣henkhatin mi an piengthar ta chun suol iengkhawm thaw ta ̣haklo ding anga ngaina ei lo nei hlak hi an diknaw el bâkah, suola an lo va tlu nawk pal châng, a piengthar taktak naw a nih ei zuk ti zui nawk el hlak dam hi a 'biblical' chie naw niin an lang.

Amiruokchu hihi suol thawna dinga suonlam anga hmang ding chu ninawk chuong si lo a nih.

2. Suol Thaw Zing Ta Lo: Chu lai zing chun 1 Johan 3: 4-6 inkârlai kha ei ennawk chun "Tu khom thil suol thaw chun dan a bawsiet a nih" ti le "Tu khom ama a um chun thil suol a thaw zing ta nawh; tukhom thil suol thaw zingtu chun ama chu a la hmunaw a, hriet khom a la hriet bok nawh" (DV) ti ei hmu nawk a. Chu umzie chu piengthar indiktak chun suol a thaw thei ta naw tawp ni lovin, suol a thaw zing

ta nawh, suolah a um zing ta nawh tina lem a nih. Suol la thaw zing a, suol a la um zing chun Pathien a la hmu tak tak nawh ti na a nih.

Hi laia 'suol thaw zing' ti le 'thilsuol a thaw zing ta nawh' tia Delhi Version in a'n let hi Hmar Bible version dang BSI le BFTW a hai chu 'thil suk suol ta phawt' ti le 'thil a suk suol nawh' tiin an inlet leiin thil suol thaw hrim hrim chun Pathien la hmu lo, la piengthar lo tawp ti na anga ngai thei a ni leiin mi tamtak a sukbuoi thei ding niin an lang. English Bible a hai ruok chu 'practice of sinning' ti le 'keeps on sinning' tia inlet vawng anni leiin hriet buoi ding a um nawh.

Chuleiin hi lai thu in a mi hril nuom tak chu, piengthar, Pathiennau nina chang ta hnung khawmin suol a insieng ei ni tlat leiin Krista a hung nawk pha a sukfamkim a ei um hma po chu eini ah suol mizie hi sukbo faiṭhak a la ninaw leiin, nitin a ei ringtu kalchawina nun ah khawm suk suol thei zing ei la nih. Amiruokchu, Pathiennau indiktak, Pathien chi pai tuhai chun suol an lo thaw pal khawmin suol kha an thaw zing (practice, keeps on sinning) ta naw a, suol a khan an um sawng ngainaw a nih.

Hi taka inthawk a eiin chuk thei chu, ringtu inti si, suola um zing, suol la thaw zing chu Pathiennau indiktak a la ni nawh ti na a nih. Chulai zing chun, Pathiennau indiktak hai chu, suol ei lo va thaw pal annawleh suol a hei lo va tlu pal khawmin, Isu Krista Mi Fel, Pa kuoma mi hril pui tu le ei suol thawina thil hlân zârin Pathien kuomah thupha ei chawi phawt chun ei suolhai ngaidam in ei felnawna po po a mi tlêngfai pek ding a nih. "Ei suolhai thupha ei chawi chun ei suolhai ngaidamin, ei felnawna po po tlêngfai a tih, ama chu ring a umin a fel si a" (1 Johan 1:9 - DV). Lalpa inpakin um raw se!

Chuleiin, Pathien nau indiktak eini ta si chun, suol a um zingin, suol ei thaw zing ding an ta nawh a, iemani tia ei lo va suk suol pal khawmin inrang takin Pathien hmaah suol thupha ei chawi vat hlak ding a nih. Khawvela ei la châm sung hin suol mizie la nei zing inla khawm suol ruok chu thaw zing ta lo ani ti na ringnaa kal ei chawi pei theina dingin Lalpa'n a thu ei chan sengah mal mi sawm pek raw se. Amen!

TAWNGĀINA THILTHAWTHEI:

Lalremsiem

30th June, 2021

"Tho unla, hi hmuna inthawk hin suok ro; LALPAIN khuo hi a suk-bohmang ding a nih," a ti a. Nisienlakhawm, a mâkpahai ngaia chun fiemthu hril ang chau a nih." (Gen.19:14)

Lalpâ'n Sodon le Gomora a Suksiet ding khan, Lota kuomah a hril lawk a nih. Lota khawm chun, a nâu hai le a mâkpa hai a va hril a, insiem dingin a va ti ân' leh, lo ngâisak lo hai. Fiemthu in an lo lâkpêk nawk.

Sodom le Gomorra kha inhawi an ti taluo a, khawvel thilin an lungril po po le thisen zungzâm a fang suok ta a. Lota nauhai le mâkpa hai khawm an ni tho. Lalpa chun hremna intlungtir a tum ta a. A khuo pumpui chu sukbo a tum leia Lota le a sînghai kha chu hum a nuom leiin, a lo hril lâwk a nih. (insaseng dingin.) Sienkhawm, Pathien thu an ngâi nuom tlat nawh.

"Vârṭien a hung ni chun Vântirko hai chun, "Tho la, i nuhmei le i naunuhmei pahni umhai hi ṭhuoi rawh, chuong naw chun, hi khaw hremna hin bohman ve rawi in tih," tiin Lota chu an tur ta a tî ei hmu a.

Ka ngaituo a, lengtizie a Lota hin Pathien thu hi a hei awi nghal el naw'm a ni aw? Pathien rawl a hriet hnung khawmin lâ'n siem lo. Vantirko hai a tir nawk a, an va hril nawk a, thoa fê nghal dingin an va hril a nih. Chu khawm chu la hei tho el lo. **"Ama hlak chu a muong hle el si a"** ti ei hmu nawk a nih.

A mak khawp el, khawvela mihriem hai hi Lalpa râwl khawm hre hrang ta lo khawpa chawlol el ei lo ni tâ'm a ni aw! An' naw leh, hi khawvel Pathien setan hin a mi chîm hne taluo leia ei invêt zo? Hrepuitu: May - June 2021